



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De impeccabilitate: & quòd præter Deum nemo à peccato immunis &
flagitiosis. cap. xiii.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A Tum demum priora peccata condonantur, cum poenitentia consentanea opera postea efficiuntur. Nam si quis, dum adhuc ea perpetrat, quæ vituperatione ac poena digna sunt, poenitentiam simulat, is veniam haudquaquam consequetur: quippe qui adhuc ea committat, quæ lege diuina interdicta sunt.

Cum impius Basilides Euangelistam Ioannem aliquando salutasset, ac dixisset, Agnosce nos? nulla interposita mora, Agnosco te, inquit Vir sanctus, primogenitum Satanae.

Non externum morbum, sed peccata, quæ morbum accersunt, extimescimus: & morbum animi, non corporis.

Sit lex ista constituta aduersus eos, qui res sanctas ac diuinas non sanctè, atque à Deo dignum est, cernere cupiunt, cæcitatæ poenam inferre.

B Si Deum regem habere cupis, fac à peccato abhorreas. Quonam enim pacto is sub Dei imperio esse poterit, qui peccatis delectatur?

Ita naturæ comparatum est, vt mens pura veritatem cernat: ac Deus se ei spectandum præbere solet. Itaque omnes illi, qui à veritate aberrarunt, ob id aberrarunt, quia improbè ac sceleratè vixerunt. Puniantur ergo hæretici, nõ quia hæretici sunt, sed quia malè & flagitiosè vixerunt. Neque enim fieri potest vt quisquam hæreticus fiat, nisi prius, vel in vita im- verbis, vel in actionibus, rationes vitæ suæ malè compararit. Quocirca meritò condem- nabuntur, non quia offendunt, sed quia seipsos per ebrietatem, & contumaciam, & auari- tiam excæcantes, in tenebris ambulant.

C DE IMPECCABILITATE: ET QVOD

præter Deum nemo à peccato immunis sit.

CAP. XIII.



VM purus erit homo coram Domino? Nemo mundus à Iob. 25. forde, neque infans cuius est vnus diei vita super terram.

Cœli non sunt mundi in conspectu eius. Quis homo erit extra culpam? Quomodo erit homo iustus coram Deo?

Si iniquitates obseruaueris Domine, Domine quis sustinebit? Non intres in iudicium cum seruo tuo Domine: quia non iustificabitur in conspectu tuo omnis viuens.

D Quis potest dicere, Mundum est cor meum, purus sum à peccato?

Non est homo iustus in terra, qui faciat bonum, & non peccet.

Si dixerimus quia peccatum non habemus, ipsi nos seducimus, & veritas in nobis non est.

Prou. 20.

Ecls. 7.

1. Jo. 1.

DE IIS QVI AD EA VITIA, QVIBVS

renunciauerunt, rursus redeunt. CAP. XIII.



ECLINANTES in obligationes adducet Dominus cum operantibus iniquitatem.

Sicut canis, qui reuertitur ad vomitum suum: sic imprudens, qui iterat stultitiam suam.

Si auerterit se iustus à iustitia sua, & fecerit iniquitatem secundum omnes abominationes, quas operari solet impius, nõ quid viuert? Omnes iustitiæ eius, quas fecerat, non recordabuntur. In præuaricatione, qua præuaricatus est, & in peccato suo, quod peccauit, in ipsis morietur.

Iustitia iusti non liberabit eum, in quacunque die peccauerit: & impietas impij non nocebit ei, in quacunque die conuersus fuerit ab impietate sua, &c.

Qui baptizatur à mortuo, & rursus tangit eum, quid proficit lauatio eius? Sic homo, qui ieiunat in peccatis suis, & iterum eadem faciens, quid proficit humiliando se? Orationem illius quis exaudiet? Qui reuertitur à iustitia ad iniquita-

Psal. 124.

Prou. 26.

Ezech. 18.

33.

Ecli. 34.